



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput II. De necessitate Sacmentorum in lege naturæ, & in lege Mosaica.

urn:nbn:de:hbz:466:1-40834

De Sacramentis. Cap. II. 7

temporis neque loci longè distantis, neque alterius cuiuscumque incommodi ratione. Cum autem accersetur, tantum abest ut verbis, vel vultu vel alio signo ostendat, se gravatè iturum, ut illius cui ministrare debet, salutis desiderio se accensum patrem præbens, verborum benignitate vulnuque hilari charitatem paternam significantem libentissimè, &c., ut potest celerrimè accedat.

C A P U T I I.

De necessitate Sacramentorum in lege
natura & in lege Mosis.

Quæst. I. Q UARE necessaria fuerunt semper Sacra-
menta post peccatum?

Resp. Quia, ut ait Divus Augustinus; In D. Aug.
nullum nomen religionis, seu verum seu fal- 19. contra
sum coadunari homines possunt, nisi aliquo Faustum cap.
signaculorum seu Sacramentorum visibilium 11.
consortio colligentur.

Divus Thomas, Augustini perpetuus disci-
pulus, tres adducit hujus necessitatis rationes:
Sacramenta sunt necessaria ad salutem tri- D. Th. 3. p.
plici ratione, quarum prima sumenda est ex q. 61. art. 1.
conditione humana natura, cuius proprium est in corp.
ut per corporalia & sensibilia in spiritualia &
intelligibilia ducatur: pertinet autem ad
divinam providentiam, ut unicuique rei pro-
videat, secundum modum sua conditionis;
& ideo convenienter divina sapientia homini
auxilia salutis confert sub quibusdam corpo-
ralibus signis, qua Sacra-menta dicuntur. Se-
cunda ratio sumenda est ex statu hominis, qui
peccando se subdidit per affectum corporalibus

A iiiij.

8 T R A C T A T U S I.

rebus : ibi autem debet medicinale remedium homini adhiberi , ubi patitur morbum . Et ideo conveniens fuit , ut Deus per quædam corporalia signa homini spiritalem medicinam adhiceret : nam si spiritualia nuda ei proponebentur , eis animus applicari non posset corporalibus deditus . Tertia autem ratio sumenda est ex studio actionis humanae , qua præcipue circa corporalia versatur . Ne ergo esset homini durum si totaliter à corporalibus actibus abstractaberetur , proposita sunt ei corporalia exercitia in Sacramentis , quibus salubriter exerceatur ad evitanda superstitionis exercitia . Sic igitur per Sacramentorum institutionem homo convenienter sua natura eruditur per sensibilia ; humiliatur , se corporalibus subiectum cognoscens , dum sibi per corporalia subvenitur ; preservatur etiam à noxiis actionibus per salubria exercitia Sacramentorum . Idem habet Divus Bonavent . Centiloquii 3. p . sect . 47 . de Sacrament . in generali .

Quoniam eramus caci quoad rationalem , ideo data sunt Sacra menta sensibilia ad eruditionem . Quoniam eramus elati quoad irascibilem , ideo data sunt Sacra menta corporalia ad humiliationem . Quoniam eramus proni ad malum quoad concupisibilem , ideo data sunt Sacra menta plura ad exercitationem .

Quæst . 2 . Sacra menta fuerunt-ne homini necessaria in statu innocentiae ?

Resp . Nequaquam , cùm Non sit opus valetibus Medicus , sed male habentibus , ut ait Christus Dominus ; Sacra menta autem instituta sunt tanquam remedia contra peccata , proindeque non fuerunt necessaria in statu innocentiae .

Quæst . 3 . Nonne Sacramentum matrimonii institutum est in statu innocentiae , ut dicitur

Matth . 9 .

De Sacramentis. Cap. II. 9

Genesis primò : *Crescite & multiplicamini,
& replete terram* : quā igitur ratione dici po-
test, Sacraenta non fuisse necessaria in statu
innocentiae ?

Resp. Sic respondet Divus Thomas huic
difficultati : *Matrimonium fuit institutum in
statu innocentiae non secundum quod est Sa-*
cramentum, sed secundum quod est in officium
naturae. D. Th. 3. p.
q. 6. art. 2.
ad 3.

Quæst. 4. Fuerunt-ne aliqua Sacraenta
in lege naturæ ?

Resp. Certum est fuisse ; quod probatur pri-
mò ex Divo Augustino, qui ait : *Non est cre-
dendum ante datam Circumcisōnem, famu-
los Dei (quandoquidem illis inerat Media-
toris fides) nullo ejus Sacramento opitulatos
esse parvulis suis ; quamvis quid illud esset,
aliquā necessariā causā Scriptura sacra tacere
voluerit.* Et Divus Thomas : *Ante legem
scriptam, ait, erant quadam Sacraenta sent. dist. 1.
necessitatis, sicut illud fidei Sacramentum,* D. Th. 4.
q. 1. art. 2.
quæst. 3. ad
2.

*quod ordinabatur ad deletionem originalis
peccati, & similiter pœnitentia, qua ordina-
batur ad deletionem actualis.*

Quæst. 5. Quid intelligis per legem na-
turæ ?

Resp. Intelligo legem in qua vivebant ho-
mines ab Evæ peccato usque ad Moïsem : Vo-
catur lex naturæ, non quasi in hac lege non
esset opus gratiæ Iesu Christi ad bona opera
efficienda, cùm necessaria fuerit ad observan-
da præcepta fidei, spei, & charitatis, cætera-
que Decalogi præcepta quæ ad legem natu-
ralem pertinent, ut ostendemus primò tracta-
tu in Decalogum ; sed solum quatenus lex na-
turæ distinguitur à lege scripta, quia hoc tem-
pore nullam legem scriptam tradiderat Deus,
sed sola fuit lex naturalis lumine naturali nota,

10 T R A C T A T U S I.

& lex supernaturalis, divinâ inspiratione cognita.

Quæst. 6. In quo consistebant Sacra menta legis naturæ?

Resp. Certum est i. hæc Sacra menta sita fuisse in aliquo actu externo fidei, quoniam ut diximus in initio hujus capit is, tum ex sancto Augustino, tum ex sancto Thoma, fideles quibusdam Sacramentis visibilibus semper conjungi debebant; videtur tamen quod Deus præcisè fidelibus non determinavisset in quo consistere deberet iste religiosus actus, & quod actus quilibet ad quos divina ferebantur inspiratione, sufficiebant ad eorum sanctificationem; cuius rationem affert sanctus Thom

D. Th. 3. p. mas, dum ait: *In statu legis naturæ homines q. 60. art. 5. nulla lege exterius datâ, sed solo interiori ad 3^o instinctu movebantur ad Deum colendum: ita etiam ex interiori instinctu determinabatur eis quibus rebus sensibilibus ad Dei cultum ute- rentur.*

Secundò constat in lege naturæ neminem justificatum fuisse nisi per aliquem internum actum fidei erga Deum qui missurus erat Messiam; quia, ut ait Divus Thomas: *Ante institutionem Circumcisionis sola fides Christi futuri justificabat tam pueros quam adultos.* Probabile tamen est quod parentes fideles pro parvulis natis, & maximè in periculo existentibus, aliquas preces Deo funderent, vel aliquam Benedictionem eis adhiberent, quod erat quoddam signaculum fidei, sicut adulti pro se ipsis preces & sacrificia offerebant: Ac proinde Sacra menta comitem semper habuerunt interiorem fidem in Christum venturum.

Quæst. 7. Erant-ne Sacra menta in lege Moysi?

Resp. Erant certè, eaque plurima, ut satis.

De Sacramentis. Cap. II. **II**

patet ex Divo Augustino, cùm ait: *Sacra- D. Aug. lib.
menta veteris legis ablata sunt, quia imple- 19. contra
ta; & alia instituta sunt virtute majora, uti- Faustum cap.
litate meliora, actu faciliora, & numero 13.
pauciora.*

C A P U T III.

*De necessitate, numero, & institutione
Sacramentorum in lege gratiae.*

Quaest. I. **F**U I R-ne necessarium quod Deus institueret Sacra-
menta in lege nova, quæ est lex gratiæ, diversa à Sacra-
mentis veteris legis, quæ est lex Moïsis?

Resp. Non erat absolutè loquendo necesse, ut Deus institueret Sacra-
menta; quoniam sa-
lutem nostram operari poterat aliis mediis tum
in legè naturæ & Mosaïcæ, tum in lege gra-
tiæ: conveniens tamen maximè fuit, ut insti-
tueret Sacra-
menta in lege nova quæ differenter
à Sacra-
mentis legis antiquæ: cuius quidem
rationem assignat Divus Thomas his verbis:

*Sicut antiqui patres salvati sunt per fidem D. Th. 30. p.
Christi venturi, ita & nos salvamur per q. 61. art. 4.
fidem Christi jam nati & passi: sunt autem in corpore.*

*Sacra-
menta quadam signa protestantia fidem
qua homo justificatur. Oportet autem aliis
signis significari futura, praterita, & pra-
sentia. Ut enim Augustinus dicit lib. 19. con-
tra Faustum cap. 14. eadem res aliter annun-
ciatur facienda, aliter facta; sicut ipsa ver-
ba, passurus & passus, non similiter sonant.
Et ideo oportet quadam alia Sacra-
menta esse
in nova lege, quibus significantur ea quæ pra-
cesserunt in Christo, prater Sacra-
menta veteris legis quibus pranunciabantur futura.*

A vij